

ւանի մերոյ: Եւ վաղիւն դարձեալ մտցուք ի յայրն
 և հաւատեալ ստուգեսցուք զբանս, եթէ այն է՝ զոր
 Տէր եցոյց մեզ: Եւ գնացեալ ի բնակութիւնս իւր-
 եանց, կացեալ խնդութեամբ և ուրախութեամբ մին-
 չեւ ցառաւօտն, և ի վաղիւն յարուցեալ գացին մին-
 չեւ ի դուռն այրին, և մտեալ թագաւորացն մի ըստ
 միոջէ տեսանէին, և ծանուցաւ նոցա: Եւ նոքա այն-
 պէս ցնծութեամբ սրտիւ բերկրեալ ուրախ լինէին: Եւ
 եկեալ խնդութեամբ մեծաւ և սիրով պատմէին զօ-
 րացն ամենեցուն, եթէ արգարեւ այն Աստուած է նա
 և որդի Աստուծոյ, որ իւրաքանչիւր նուիրացն՝ զոր
 մատուցաք նամ. զնոյն տեսութիւն կերպարանաց ե-
 րևեցաւ մեզ, և զողջոյն և զպատիւս մեր սիրով եւ
 խաղաղութեամբ ընկալաւ ի մէնջ, և հաւատացին թա-
 գաւորքն և իշխանքն և ամենայն բազմութիւնք զօ-
 րացն, և ժողովն՝ որք էին անդ:

Եւ դարձեալ Մելգոն թագաւորն առեալ զգիր կը-
 տակին, զոր ունէր ընդ իւր պահեալ յառաջին նախա-
 հարց անտի՝ որ ասացաք. և տարեալ մատուցանէր
 առաջի մանկանն և ասէր. ահա նամակ զրոյն, զոր
 կնքեալ և փակեալ ետուր մեզ ի պահեստի, ա՛ռ եւ
 ընթերցիր զգիրս հաւաստեալ զոր գրեալ ես: Եւ գիր
 զրոյն՝ որ գրեալ և կնքեալ կայր ի պահեստի, զոր
 մոգք ոչ համարձակեցան բանալ գիրն և տալ ումեք
 ընթեռնուլ քահանայիցն և կամ ժողովրդեանն լսել,
 զի ոչ էին նոքա արժանի լինիլ որդի արքայութեան,
 զի ուրացողք լինելոց էին Փրկչին...:

Արդ յետ ելանելոյն Ադամայ ի դրախտէն, և կա-
 յինի՝ որ եսպան զԱբէլ, և սուգ առեալ Ադամ ի վե-
 րայ մահուան որդւոյ իւրոյ՝ քան զելանելն նամ ի
 դրախտէն, և ետ Տէր Աստուած՝ Ադամայ որդի զՍէթ